

山海经中优美短句子摘抄

1.
又北二里，曰北岳之山，多枳棘刚木。有兽焉，其状如牛，而四角、人耳、彘耳，其名曰诸怀，基音如鸣雁，是食人。诸怀之水出焉，而西流注于嚣水，水中多鮪鱼，鱼身而犬首，其音如婴儿，食之已狂。
2.
有兽焉，其状如马而白首，其文如虎而赤尾，其音如谣，其名曰鹿蜀，佩之宜子孙。
- 3.女子国在巫咸北，两女子居，水周之。一曰居一门中。
4.
又东五百里，曰夷山，无草木，多沙石，溴水出焉，而南流注于列涂。
5.
大荒之中，有山名曰不咸，有肃慎氏之国。蜚蛭，四翼。有虫，兽身蛇身，名曰琴虫。
6.
又东三百里，曰柢山，多水，无草木。有鱼焉，其状如牛，陵居，蛇尾有翼，其羽在鮓下，其音如留牛，其名曰鮓，冬死而夏生。食之无肿疾。
- 7.又东五十里，曰声匈之山，其木多穀，多玉，上多封石。
- 8.东北五百里，曰条谷之山。其木多槐、桐，其草多芍药、蓂冬。
- 9.

又北三百八十里，曰虢山，其上多漆，其下多桐楛。其阳多玉，其阴多铁。伊水出焉，西流注于河。其兽多橐驼，其鸟多窟，状如鼠而鸟翼，其音如羊，可以御兵。

10.又东三百七十里，曰瞿父之山，无草木，多金玉。

11.肃慎之国在白民北。有树名曰雄常，先入伐帝，于此取之。

12.窳窳龙首，居弱水中，在兕兕知人名之西，其状如龙首，食人。

13.

怪水出焉，而东流注于宪翼之水。其中多玄龟，其状如龟而鸟首虺尾，其名曰旋龟，其音如判木，佩之不聋，可以为底。

14.

凡西次三经之首，崇吾之山至于翼望之山，凡二十三山，六千七百四十四里。其神状皆羊身人面。其祠之礼，用一吉玉瘞，糝用稷米。

15.

其神状虎身而九尾，人面而虎爪；是神也，司天之九部及帝之囿时，有兽焉，其状如羊而四角，名曰土螻，是食人。

16.有五采之鸟，相乡弃沙。惟帝俊下友。帝下两坛，采鸟是司。

17.颍水出少室，少室山在雍氏南，入淮西鄢北。一曰缙氏。

18.又东十里，曰青要之山，实惟帝之密都。

19.环狗，其为人兽首人身。一曰蝟状如狗，黄色。

20.又东五十里，曰区吴之山，其木多苴。

21.

东南海之外，甘水之间，有羲和之国，有女子名曰羲和，方日浴于甘渊

。羲和者，帝俊之妻，生十日。

22.

又北百二十里，曰敦与之山，其上无草木，有金玉。濛水出于其阳，而东流注于泰陆之水；泝水出于其阴，而东流注于彭水；槐水出焉，而东流注于泝泽。

23.又东五百八十里，曰禺橐之山，多怪兽，多大蛇。

24.有山名曰齐州之山、君山、鬻山、鲜野山、鱼山。

25.又北二百里，曰童戎之山。皋涂之水出焉，而东流注于溇液水。

26.蛇巫之山，上有人操桮而东向立。一曰龟山。

27.濛水出汉阳西，入江，聂阳西。

28.

又东三百里，曰高梁之山，其上多堊，其下多砥砺，其木多桃枝钩端。有草焉，状如葵而赤华、莢实白柎，可以走马。

29.

凡西次四经自阴山以下，至于崦嵫之山，凡十九山，三千六百八十里。其神祠礼，皆用一白鸡祈，糈以稻米，白菅为席。

30.

又北二百里，曰谒戾之山，其上多松柏，有金玉。沁水出焉，南流注于河。其东有林焉，名曰丹林。丹林之水出焉，南流注于河。婴侯之水出焉，北流注于汜水。

31.

又西二百里，曰昆吾之山，其上多赤铜。有兽焉，其状如彘而有角，其音如号，名曰鬻蜮，食之不眯。

32.

有鱼偏枯，名曰鱼妇。颞颥死即复苏。风道北来，天及大水泉，蛇乃化为鱼，是为鱼妇。颞颥死即复苏。

33.西次二经之首，曰钤山，其上多铜，其下多玉，其木多杻檀。

34.

又北三十里，曰牛首之山。有草焉，名曰鬼草，其叶如葵而赤茎，其秀如禾，服之不忧。劳水出焉，而西流注于口水，是多飞鱼，其状如鲋鱼，食之已痔衄。

35.

又北百七十里，曰堤山，多马。有兽焉，其状如豹而文首，名曰狺。堤水出焉，而东流注于泰泽，其中多龙龟。

36.开明西有凤皇、鸾鸟，皆戴蛇践蛇，膺有赤蛇。

37.

女丑之尸，生而十日炙杀之。在丈夫北。以右手鄣其面。十日居之，女丑居山之山。

38.

又南水行五百里，曰流沙，行五百里，有山焉，曰跂踵之山，广员二百里，无草木，有大蛇，其上多玉。有水焉，广员四十里皆涌，其名曰深泽，其中多大龟。有鱼焉，其状如鲤。而六足鸟尾，名曰鯨鯨之鱼，其名自詖。

39.三身国在夏后启北，一首而三身。

40.又东百十里，曰杳山，其上多嘉荣草，多金玉。

41.丈夫国在维鸟北，其为人衣冠带剑。

42.帝俊生晏龙，晏龙是为琴瑟。

43.

又东南三百里，曰女烝之山，其上无草木，石膏水出焉，而西流注于鬲水，其中多薄鱼，其状如鱧鱼而一目，其音如欧，见则天下大旱。

44.

有鸟焉，其状如蜂，大如鸳鸯，名曰钦原，蠹鸟兽则死，蠹木则枯，有鸟焉，其名曰鹑鸟，是司帝之百服。

45.

又东北二百里，曰天池之山，其上无草木，多文石。有兽焉，其状如兔而鼠首，以其背飞，其名曰飞鼠。澠水出焉，潜于其下，其中多黄罍。

46.

西二百里，曰泰冒之山，其阳多玉，其阴多铁。浴水出焉，东流注于河，其中多藻玉，多白蛇。

47.右北经之山志，凡八十七山，二万三千二百三十里。

48.北海之内，有反缚盗械、带戈常倍之佐，各曰相顾之尸。

49.

羽民国在其东南，其为人长，身生羽。一曰在比翼鸟东南，其为人长颊。

50.

又东北二百里，曰马成之山，其上多文石，其阴多金玉。有兽焉，其状如白犬而黑头，见人则飞，其名曰天马，其鸣自詖，有鸟焉，其状如鸟，首白而身青、足黄，是名曰鷕鷕。其名自詖，食之不饥，可以已寓。

51.

又东北三百里，曰教山，其上多玉而无石。教水出焉，西流注于河，是水冬干而夏流，实惟干河。其中有两山。是山也，广员三百步，其名曰发丸之山，其上有金玉。

52.

又东北七十里，曰咸山，其上有玉，其下多铜，是多松柏，草多茈草。条菅之水出焉，而西南流注于长泽。其中多器酸，三岁一成，食之已疠。

53.凡东次四经之首，自北号之山至于太山，凡八山，一千七百二十里。

54.

夏后启之臣曰孟涂，是司神于巴。人请讼于孟涂之所，其衣有血者乃执之。是请生，在丹山西。丹山在丹阳南，丹阳居属也。

55.又南三百里，曰勃垒之山，无草木，无水。

56.

南方有赣巨人，人面长臂，黑身有毛，反踵，见人笑亦笑，唇蔽其面，因即逃也。

57.有人名曰张宏，在海上捕鱼。海中有张宏之国，食鱼，使四鸟。

58.有轩辕之台，射者不敢西向射，畏轩辕之台。

59.漳水出山阳东，东注渤海，入章武南。

60.

又南九十里，曰柴桑之山，其上多银，其下多碧，多冷石赭，其木多柳、芑、楮、桑，其兽多麋鹿，多白蛇飞蛇。

61.赤水出焉，而东南流注于泛天之水。

62.

凡萑之首，自敖岸之山至于和山，凡五山，四百四十里。其祠：泰逢、熏池、武罗皆一牡羊副，婴用吉玉。其二神用一雄鸡瘞之。糈用稌。

63.贯匈国在其东，其为人匈有窍。一曰在豳国东。

64.

又北三百八十里，曰狂山，无草木，是山也，冬夏有雪。狂水出焉，而西流注于浮水，其中多美玉。

65.并封在巫咸东，其状如彘，前后皆有首，黑。

66.又东四十五里，曰衡山，其上多青腹，多桑，其鸟多雉鹄。

67.

有灵山，巫咸、巫即、巫盼、巫彭、巫姑、巫真、巫礼、巫抵、巫谢、巫罗十巫，从此升降，百药爰在。

68.有神，人面、犬耳、兽身，珥两青蛇，名曰奢比尸。

69.

务隅之山，帝颛顼葬于阳，九嫔葬于阴。一曰爰有熊、罴、文虎、离朱、鸱久、视肉。

70.

炎帝之妻，赤水之子听訖生炎居，炎居生节并，节并生戏器，戏器生祝融。祝融降处于江水，生共工。共工生术器，术器首方颠，是复土穰，以处江水。共工生后土，后土生噎鸣，噎鸣生岁十有二。

71.

又东北百二十里，曰少山，其上有金玉，其下有铜。清漳之水出焉，东流注于浊漳之水。

72.

又东二百里，曰真陵之山，其上多黄金，其下多玉，其木多榖、柞、柳、柎，其草多荣草。

73.又东南五十里，曰衡山，上多寓木榖、柞，多黄垚白垚。

74.

又东南十里，曰蛊尾之山。多砺石、赤铜。龙馀之水出焉，而东南流注于洛。

75.

又东北百五十里，曰仁举之山，其木多穀、柞，其阳多赤金，其阴多赭。

76.

又东二百里，曰虫尾之山，其上多金玉，其下多竹，多青碧。丹水出焉，南流注于河；薄水出焉，而东南流注于黄泽。

77.又东七十里，曰泰威之山。其中有谷，曰泉谷，其中多铁。

78.

开明东有巫彭、巫抵、巫阳、巫履、巫凡、巫相，夹窳窳之尸，皆操不死之药以距之。窳窳者，蛇身人面，贰负臣所杀也。

79.拘纒之国在其东，一手把纒。一曰利纒之国。

80.有继无民，继无民任姓，无骨子，食气、鱼。

81.西十里，曰缟羝之山。无草木，多金、玉。

82.

又东北三百里，曰岷山。江水出焉，东北流注于海，其中多良龟，多鼃，其上多金玉，其下多白珉，其木多梅棠，其兽多犀象，多夔牛，其鸟多翰鷖。

83.不死民在其东，其为人黑色，寿，不死。一曰在穿匈国东。

本文链接：<https://duanjuziku.com/duanjuzi/zs2ypai09v.html>